



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCXLIX. ad annum DCLXXVI.

**Parisiis, 1644**

Epistola II. Vitaliani Papae Ad Vaanvm Cvbicvlarivm Imperatoris. Cum  
Ioannes Lappae episcopus contra Canones fuerit condemnatus, cupit vt  
eius opera suae ecclesiae restituatur.

**urn:nbn:de:hbz:466:1-15300**

catum, eiusdemque ecclesiam a quoquam, ei tua dilectio faciat reddi, per omnia conseruans eum absque damno. Denominatum enim Ioannem, vtpote innocentem existentem, cum praesenti nostra præceptione absoluimus hinc, vt sicut ceteri tuæ dilectionis episcopi, & is suæ ecclesiæ vtilitates cum Dei peragere timore, sacrarumque regularum instituere debeat morem. Oportebat denique, dilectissime frater, oportebat nos similia similibus retribuere. Sed haec magis per ignorantiam opinamur gesta esse, quam per calliditatem. Propterea quæ præcipimus tibi secundum Deum, & propter Dominum, tuæque Synodo, stude illico peragere, ne cogamur non misericorditer, sed secundum virtutem sacratissimorum Canonum conuersari. Scriptum namque est: *Dominus Lnc. 22.*  
*inquit: Petre, rogaui pro te, ut non deficeret fides tua: & tu aliquando conuersus, confirma fratres tuos.* Et rursum: *Quod- Matth. 16.*  
*cumque ligaueris, Petre, in terra, erit ligatum & in cælo: & quodcumque solueris in terra, erit solutum & in cælo.* Postquam vero nostram præceptionem tua dilectio relegate, hanc praesenti portatori Ioannis episcopi nimirum reddat pro sui eiusdemque ecclesiæ munitione. Data die vi. Kalendas Septembbris indictione II.

## EPISTOLA II.

VITALIANI PAPÆ  
AD VAANVM CVBICVLARIVM IMPERATORIS.

Cum Ioannes Lappæ episcopus contra Canones fuerit condemnatus, cupit vt eius opera suæ ecclesiæ restituatur.

*Vitalianus Vaano cubiculario & imperiali chartulario.*

**S**EMPER celsitudo vestra piis hominibus præbuit cursum, semperque irreprehensibiliter viuentibus traxit libenter opem. Ideoque congruum præuidimus, per præsentia nostra scripta, Ioannem antistitē ecclesiæ Lapponis, sitæ in insula Creta, ei in omnibus commendare: quatenus diuina ope prævia, eiusque suffultus suffragio, valeat ad sanctam celeriter remeare ecclesiam. Per Septembrē enim mensēm præsentem, ii. indictione, in hac Romana vrbe ad apostolorum nostri culminis protectō-

*Concil. Tom. 15.*

Bbb

rum limina veniens, obtulit nobis pétitionem, per quam suppliciter precatus est nos, vt eius causæ meritum cognoscentes, canonice terminaremus. Obtulit denique nobis & sententiā, quam promulgauit eius metropolitanus cum suis episcopis aduersus eumdem Ioannem, volens eum ostendere reprehensibilem, per quam eum contra Canonum decreta poenalibus submisit. Cuius exemplar & idem eius metropolitanus nobis direxit. Propterea facientes congregari episcopos in hac vrbē, eius causa est cognita, relecta videlicet petitione eius. Et præfata sententia ab eodem metropolitano eius nobis directa, visum nobis est, non secundum sacros Canones eamdem esse sententiam promulgatam. Ideoque eam inanem atque vacuam statuimus fore, decernentes eumdem Ioannem innocentem existere, & absque aliqua culpa eam ab eius metropolita querimur subiisse; quem merito absoluimus ad suam ecclesiam regredi, scribentes eius sæpius nominato metropolitæ, vt quæ per simplicitatem egerit in eius personam contra Canonum decreta, esse vacua & inania. Eumdem itaque Ioannem (vt dictum est) antistitem, vestræ eximiæ caritati per has nostras literas cōmendantes, hinc absoluimus, ad vestra nimirum ambulaturum vestigia: & vt exinde rursus cum suis scriptis eum absoluere festinet, quæsumus, ad suam ecclesiam; commendātes eum, quibus præuiderit, vt illæsus debeat esse. Profecto enim una mecum cunctis diebus vitæ suæ & ipse pro vestræ excellentissimæ caritatis prosperitate ac longæuitate deprecabitur Dominum. Data die vi. Kal. Februarii indict. II.

## EPISTOLA III.

## VITALIANI PAPÆ

AD PAVLVM EPISCOPVM CRETENSEM.

Vt episcopo Lappæ occupatas ecclesiæ restituat: diaconum, qui vxorem duxit, & in duabus militat ecclesiis, corrigat: tum vt a se Eulampium, qui male audiebat, dimittat.

*Vitalianus Paulo episcopo Cretensi.*

**A**D cognitionem tuæ dilectionis congruum præuidimus perducere, eo quod Ioannes episcopus Lap-